



RADØY KOMMUNE SENTRALADMINISTRASJON
Radøyvegen 1690
5936 MANGER

Orgnr 874781592

Invitasjon til dialogseminar om vald og truslar i helse- og sosialsektoren

Arbeidstilsynet skal i 2017 og 2018 ha ei nasjonal satsing i helse- og sosialsektoren, der vi skal kombinere ulike verkemiddel som rettleiing og tilsyn. Opplegget for satsinga er avklara med arbeidsgivar- og arbeidstakarorganisasjonane sentralt.

Krav om førebygging og oppfølging av vald og truslar i arbeidslivet er no gjorde tydelege i nye forskriftsføresegner. Vald og truslar er ein kjend risikofaktor i helse- og sosialsektoren. Arbeidstilsynet vil derfor rette merksemda mot risikoen for vald og truslar og førebygging av hendingar i kommunale helse- og sosialtenester. Med bakgrunn i denne tematikken planlegg vi dialogseminar, tilsyn og ein nasjonal informasjonskampanje.

Arbeidstilsynet vil med dette invitere utvalde verksemdar i Radøy kommune til å delta i satsinga gjennom å delta i eit dialogseminar der vi inviterer fleire kommunar saman. Kommunane Austrheim, Lindås, Meland og Osterøy er og inviterte til å delta på dialogseminaret.

Formålet med arrangementet er å fokusere på førebygging og handtering av vald og truslar mot arbeidstakarar gjennom at verksemdene deler praktiske erfaringar og Arbeidstilsynet gir rettleiing, mellom anna om nye lovkrav.

Dialogseminar - tid og sted

Dialogseminaret vert arrangert den 4. mai 2017, kl. 10:00 - 14:30, i Hagellia matstove - kurslokalet Dampen, Hagelia 6 , 5914 Isdalstø.

Arbeidstilsynet ber om at kommunen vel ut tre–fire verksemdar som har utfordringar med vald og truslar, til å delta på dialogseminaret. Hovudverneombod og hovudtillitsvalde bør involverast i valet av verksemdene. Frå dei aktuelle verksemdene ønsker vi at leiaren av verksemda og verneombodet stiller opp på dialogseminaret.

Arbeidstilsynet ønsker at kvar kommune gir ein presentasjon på 15 minutt. Presentasjonen skal bidra til felles læring. Vi er kjende med at kommunane har internkontrollsystem, men vi ønsker å



høyre om kva utfordringar og dilemma de har når det gjeld vald og truslar, gjerne illustrerte med konkrete eksempel:

- gode eksempel på tiltak for å førebygge, handtere og følge opp vald og truslar
- eksempel på kva som blir tolerert, versus kva som blir handtert og meldt som avvik når det gjeld vald og truslar

Dei ulike verksemdene i same kommune må sjølve bli einige om kven som skal framføre presentasjonen.

Program

kl. 10:00: Velkomen og presentasjon av deltakarane – mål for dagen, kvifor arbeide med vald og truslar i helse og sosialsektoren

kl.10:15: Presentasjonar frå kommunane

kl. 10:45: Pause

kl. 11:00: Presentasjonar frå kommunane

kl. 12:00: Lunsj

kl. 12:30: Arbeidstilsynet om:

- Vald og truslar – førekomst og klargjering av omgrep
- Nytt lovverk om vald og truslar, samt kartlegging og risikovurdering
- Praktisk erfaring frå tidlegare satsingar og vidare satsing mot kommunale verksemdar i 2017

kl. 14:15: Oppsummering

kl. 14:30: Avslutning

Påmelding

Vi ber om at kommunen gir tilbakemelding om kva verksemdar som skal delta på dialogseminaret, og namn på deltakarane innan 12. april 2017.

Påmelding kan sendast til: post@arbeidstilsynet.no. Merk påmeldinga med saksnummer 2017/18836.

Oversikt over andre verksemdar

Arbeidstilsynet ønsker i tillegg ei skriftleg oversikt over kva andre verksemdar i kommunen de meiner er spesielt utsette for vald og truslar. Vi ønsker også å få vite om det er tenester i helse- og sosialsektoren som er sette ut til private samarbeidspartnarar, og i så fall kva tenester det er.



Dette skal ikkje leggst fram i plenum, men sendast til post@arbeidstilsynet.no, merk med saksnummer 2017/18836.

Arbeidstilsynet ber om denne oversikta frå kommunen for at vi i ein seinare fase skal kunne målrette tilsyna våre best mogleg. Vi gjer likevel merksam på at alle kommunale verksemder i helse- og sosialtenestene kan vere aktuelle for tilsyn.

Eventuelle spørsmål kan rettast til seniorinspektør Evy Dale, mobil nr. 930 40 807 eller seniorinspektør Øyfrid Geiring, mobil nr. 910 02 943.

Har de spørsmål, kontakt saksbehandlaren. Vi ber om at du gir opp referansenummeret vårt 2017/18836.

Med helsing
Arbeidstilsynet

Marita Scott
tilsynsleder
(sign.)

Evy Dale
seniorinspektør
(sign.)

Dette brevet er godkjent elektronisk i Arbeidstilsynet og har derfor ingen signatur.

Kopi til:
RADØY KOMMUNE HELSE- OG SOSIALADMINISTRASJON, Radøyvegen 1690, 5936
MANGER
RADØY KOMMUNE v/Hovudverneombod, Radøyvegen 1690, 5936 MANGER
RADØY KOMMUNE v/Hovudtillitsvalde Helse og sosial, Radøyvegen 1690, 5936 MANGER
RADØY KOMMUNE v/Hovuderneombod Helse og sosial, Radøyvegen 1690, 5936 MANGER